

# **BANDO DA ALCALDÍA**

Don JUAN CARLOS SERRANO LOPEZ.- Alcalde-Presidente do Concello de Portomarin.

## **FAI SABER**

Que debido a rapidez na evolución da situación de emerxencia de saúde pública ocasionada polo COVID-19, a escala nacional e internacional, o Goberno, ao amparo do disposto no artigo 4, apartados b) e d), da Lei orgánica 4/1981, do 1 de xuño, dos Estados de Alarma, Excepción e Sitio declarou, mediante o Real Decreto 463/2020, do 14 de marzo, o estado de alarma en todo o territorio nacional co fin de afrontar a crise sanitaria, o cal foi prorrogado en catro ocasións, a última con ocasión do Real Decreto 514/2020, do 8 de maio, ata as 00.00 horas do día 24 de maio de 2020, nos termos expresados na devandita norma.

No momento actual, iniciouse un proceso de redución gradual das medidas extraordinarias de restrición da mobilidade e do contacto social establecidas mediante o citado Real Decreto 463/2020, do 14 de marzo. Así o pasado 28 de abril de 2020 o Consello de Ministros adaptou o Plan para a transición cara a unha nova normalidade que establece os principais parámetros e instrumentos para a consecución da normalidade, mediante proceso articulado en catro fases, fase 0 a fase 3, que será gradual e adaptable aos cambios de orientación necesarios en función da evolución dos datos epidemiolóxicos e do impacto das medidas adoptadas.

En aplicación do anteriormente exposto, foi aprobada e publicada no BOE de data 9 de maio de 2020, a Orde SND/399/2020, do 9 de maio, para a flexibilización de determinadas restricións de ámbito nacional, establecidas tras a declaración do estado de alarma en aplicación da fase 1 do Plan para a transición cara unha nova normalidade aplicable no ámbito territorial da provincia de Lugo, mediante a que se adoptan determinadas medidas de flexibilización das restricións impostas coa declaración do estado de alarma.

### **No contexto xurídico exposto infórmase á veciñanza que:**

PRIMEIRO.- Que a partires do 18-05-2020 se retoma a atención presencial polo Concello de Portomarin, sempre e en todo caso con cita previa, sendo de obrigado cumprimento o distanciamento social de dous metros, así como, o uso de protección para todas as persoas que acudan ás distintas instalacións do Concello. Mantense a posibilidade de relacionarse con esta administración por medios electrónicos a través de súa sede electrónica, advertindo da obrigatoriedade de empregar doto medio por que estea obrigado legalmente (artigo 14 da Lei 39/2015).

Os datos de contacto para pedir cita previa son os seguintes:

- Contabilidade e rexistro civil 982545070 ext 1
- Obras 982545070 ext 2
- Padrón de habitantes 982545070 ext 3
- Rexistro xeral 982545070 ext 4
- Servizos Sociais 982545070 ext 5
  
- Rexistro sede electrónica: <https://portomarin.sedelectronica.gal>



SEGUNDO.- Permítase a circulación de vehículos particulares polas vías de uso público municipal, nas condicións impostas polo artigo 7 do Real Decreto 463/2020, do 14 de marzo, así como, para quen en aplicación do artigo 7 da Orde SND/399/2020, do 9 de maio, que habilita a circulación polo provincia, debendo respectarse as medidas de seguridade e hixiene establecidas polas autoridades sanitarias para a prevención do COVID-19, e en particular, as relativas ao mantemento dunha distancia mínima de seguridade de, polo menos, dous metros, ou, na súa falta, medidas alternativas de protección física, de hixiene de mans e etiqueta respiratoria.

As medidas expostas no presente bando manteranse vixentes durante toda a duración do estado de alarma, e especialmente, durante a vixencia dos artigos nos que se fundamentan do Real Decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19, agás modificación normativa posterior que faga aplicable o se contido.

Dende o concello de Portomarin apelamos á conciencia social e queremos pedir aos residentes e posibles visitantes que neste novo contexto social, manteñan as medidas de seguridade e hixiene establecidas polas autoridades sanitarias para a prevención e loita contra o COVID-19, xa que mediante o esforzo individual obtense como resultado o ben e a saúde de todas e todos.

O que se fai público para xeral coñecemento e correspondentes efectos.

O manda e asina o Sr. Alcalde en Portomarin.

Asinado electrónicamente a marxe do documento.

